

華東考古文獻

第十四卷

中國華東文獻叢書

中國華東文獻叢書編輯委員會

中國華東文獻叢書·第七輯

華東考古文獻

第十四卷

甘肅省古籍文獻整理編譯中心
中國華東文獻叢書編輯委員會 編

本卷目錄

閩中金石略 二
〔清〕陳榮仁撰 〇〇三

本卷目錄

閩中金石略 二
〔清〕陳榮仁撰 〇〇三

本草綱目

卷之六

〔附〕 藥譜

五十四

【清】陳榮仁撰

閩中金石略

二

〔清〕《閩中金石略十五卷》（附林爾嘉《閩中金石略考證》六卷）。清陳榮仁撰，民國二十四年（公元一九三五年）中華書局出版。林爾嘉刊入菽莊叢書第二種。白口，單魚尾，四周單欄。半葉十行，行十九至二十一字不等。書口下方題有「菽莊叢書」。

陳榮仁，字鐵香，一字戟門，道光十七年（公元一八三七年）生於晉江縣（今福建省泉州市），卒於光緒二十九年（公元一九〇三年）。同治六年（公元一八六七年）鄉試中舉人，十三年（公元一八七四年）成進士，授翰林院編修，後改任刑部主事。光緒初（公元一八七五至一八七六年）募賑直隸水災，全活無數。同時又為臺灣防禦之事陳言獻策，朝論嘉評，當道叙其勞績，授中憲大夫並花翎知府銜。然榮仁倦於宦海浮沉，辭官回鄉。先後於泉、漳兩府及廈門等地主持書院，講學授徒達三十餘年，桃李芳菲，遍及閩南各地。晚年，出任泉州府官立中學堂總辦之職。

陳氏學有淵源，榮仁師承陳氏治學之道，上溯諸子百家，漢儒經學，旁及文字訓詁，考據以及金屬之學，且工於籀篆，至今永寧鎮觀音亭中，尚留其親筆書題之篆刻。榮仁為文雅麗而宏瞻，卓識獨具，為學者所稱道。同治初（公元一八六二年至一八六三年），與黃陔南梧陽、龔咏樵顯曾等人，頗感「壇坫之寂」，同倡組建「桐陰吟社」，與泉州文人作聯咏雅會，刊《桐陰吟社甲乙編詩集》於世。

榮仁平生嗜好金石，其畢生心血之力作《閩中金石錄》一書十五卷，為省內金石學之權威著作，收錄自古至宋朝有關泉州諸山摩崖石刻及古代鐘、鼎、銘器甚詳，為治金石學者不可或缺的必要著作。榮仁平生著作甚多，大多散失，於今行世僅《溫陵詩記》《溫陵文記》《藤花吟館詩鈔》《閩中金石錄》四種。

閩中金石略卷第四

晉江陳榮仁鐵香

宋二

九日山陳洪進造像記

石高三尺廣三尺六行行五六字不
等正書在南安九日山秦君亭後

太師陳令公大宋乙丑年□造石

阿彌陀佛 住

持沙門賢播記寺僧首惟峭

太師陳令公謂洪進也大宋乙丑太祖乾德四年
也考宋史乾德二年授洪進檢校太傅太宗卽位
加太師比洪進老請致仕始加中書令此記如係

乾德所刻不應有太師令公之稱蓋後來補刊者也洪進造像事宋曾會延福寺記慎蒙名山記及圖經均載之惟峭端拱中延福寺都綱曾會稱其主領有程誨導不倦見黃文炤九日山志

九日山宋人題名三十八段

蔡襄題名

摩崖高一丈廣四尺八寸四行首行十字餘三行各八字正書文左行在西峯

慶曆四年二月二十四日沈衡蔡襄莊復□□宜邑宰

夏化育林□同遊延福寺隱君亭

右蔡君謨九日山題名字徑一尺渾樸遒麗所謂顏結虞策者猶可想見攷陳知柔墨妙堂記謂公

書在泉題名及詩刻凡六蹟三在郡治郡庠三在
九日延福今萬安片石已如驚霆轟天震盪大千
世界又地當孔道輜輳旅轍日摩挲其下因而索
購墨本故椎拓之聲訖無虛日其傳愈遠則其聲
愈宏而此題名三十四字獨沈薤於充厓絕壁童
敲火而牛礪角數百年無過而問者何幸不幸之
殊邪案公書此時年三十三是年以右正言出知
福州其題奉先院壁詩末云莆陽蔡襄慶曆四年
二月二十日入延福寺登秦君亭觀白雲井訪北
臺還題奉先東壁蓋先此游四日云

夏化育時
宰南安

忠惠書歐蘇二公皆推爲宋朝第一人無異議惟米老有微辭然後世究不然其言也其碑版照四裔而烜赫之跡在閩中者惟洛橋及茶錄荔支譜今錄譜之板均已不存明宋珏曾以棗木重刻忠惠諸書名曰古香齋寶藏蔡帖凡四卷荔子窮秋宋香稼村詩洛陽詩佳安吳菱精茶扈從山堂詩題壁詩百福跋洛神步箴林檎扶護郊燔離都南歸宿州海隅入春京居在杭京府秋暑跋魯公告身軍城凡二十八帖爲一卷宋珏臨絹本茶錄北苑十詠詩夢中詩普照院題名凡四帖爲一卷荔

枝譜爲一卷

宋本

畫錦堂記

宋本

爲一卷其刻

僅存形似兼之木板蝕蠹殊不耐觀故此記中不復錄入昔朱子跋公書謂歲有早暮力有淺深故筆跡時時不同今特鈎稽羣書取公諸跡隨年編纂爲表一篇俾閱古者有攷焉

明郭氏秉詹謂吾泉山中無唐人一筆惟九日山有蔡君謨紀游蘇才翁高士峯三字靈鷲山有米老第一山三字餘多不堪入眸今三石俱存蘇書余所不解米書乃明人所鐫去原石已隔兩塵此書雖微泐固當甲於三石也

刻字處其石殊粗蓋下筆時止擇石面略平者書之
之不先磨琢故質粗易泐也

劉襲禮等題名

字正書一丈二尺廣六尺四寸
八行行十二字正書在西峯

光祿卿知軍州事圃田劉襲禮公敘因祈雨 顯應靈
岳二廂率同僚比曹外郎通判軍州事璧田程荀宗儒
虞曹外郎知南安縣劉元卿叔獻簽判殿中丞張知古
伯通著作佐郎知晉江縣危雍景和節度推官王舜臣
仲元觀察推官李倬子容同游 隱君亭熙寧庚戌七
月十六日荀題

右郡守劉襲禮等七人題名見志書者惟襲禮與

劉元卿危雍三人耳末標執筆者程荀名他題名亦間有之

張汝賢等題名

字正書在東峯

廬陵張汝賢祖禹按察福建元豐乙丑冬至後三日與河陽陳紘□□宜興蔣續延祖福唐王祖道若愚括蒼鮑祇□叟三衢呂防節之營邱王欲稚川會議延福寺右張汝賢等七人會議題名其人不見於省志職官曰按察福建是提刑於閩者也陳紘時爲轉運副使蔣續爲轉運判官王祖道爲泉州郡守呂防爲南安令攷汝賢有烏石山題名云尙書右司郎

中張汝賢按察福建元豐乙丑孟冬二十一日與
朝議大夫轉運副使陳紘朝議大夫知福州謝卿
材承議郎轉運判官蔣續宣義郎按察司管勾文
字王鉉會議長樂臺其人與此同者四蓋鉉爲模
官而紘與續均有巡視之職故同出按部也

又案福建續志林深之傳云侍御史張汝賢察訪
閩部見建州訟牒叢委付深之理決則汝賢任閩
憲所載非一處矣不解省志職官何以敘其名也

喻陟等題名

摩臣六行行十四
字隸書在東峯

提點刑獄祠廬喻陟明仲郡太守長樂王祖道若愚監

郡莆田陳闡伯通南安令衢梁呂防節之遊延福寺自
□□□□□□□□□□瞻無等禪師□□□秦君亭

觀硯礪由石佛北□□□□□而歸元祐元年四月初沐

右喻涉等四人題名陟時提刑福建曰提點刑獄
者淳化所設官名卽提刑司提刑也王祖道呂防
見張汝賢題名陳闡時爲通判志書職官表不載
人物傳云仙遊人據此則莆田人也無等禪師唐
時僧硯礪皆山上石略具形似秦隱君遺跡也

翟思等題名

摩崖七行行十五
字篆書在東峯

郡守丹陽翟思子久監郡龍溪黃彥臣叔粲晉江南安

令長樂陳毅子中三衢呂防節之幙官建陽丘□均平
叔莆田方□□潛禮同遊延福寺瞻彌陀石像謁崇應
公無等禪師龕由聚秀圓通閣發秦君蔡公亭白雲堂
觀菩薩坑釣龍井以還元祐丁卯孟冬二十有四日

右郡守翟思等六人題名前四人見郡志幙官二
人則字剝蝕無從攷所臚山中諸勝多出九日山
志外志有無等禪師而無崇應公有聚秀閣而無
圓通有秦君亭而無蔡公有白雲井而無堂蓋當
時三十六奇之外尚有如許名區矣

蔣長生等題名

摩崖四行行十三
字正書在東峯